

難
峯
普
濟
方

雞峯普濟方卷第十六

馮翊賈兼重校定

婦人

半夏元治婦人阻病心中憤悶惡聞食臭食則嘔逆怠墮少力頭眩嗜卧

藿香葉

白薇

白朮

人參

各壹兩

半夏

壹兩

乾薑

甘草

各壹分

丁香

壹錢

右爲細末水煮麵糊和元如梧桐子大每服二十元以沸湯煮三五沸用人參湯下不以時

前胡細辛散

治妊娠阻病心中憤悶噎煩吐逆惡聞食氣

頭目眩重四肢百節疼痛多卧少起惡寒汗出疲極體瘦

前胡

細辛

茯苓

厚朴

芎

人參

半夏

甘草

各貳兩

右為鹿末每服二錢水一盞入生薑三片煎至七分食後服去滓

膠艾湯

治妊娠下血腹中痛名為漏胞

阿膠

芎藭

甘草

各貳兩

艾葉

當歸

芍藥

生乾地黄

乾薑

各參兩

右為鹿末每服五錢水二盞煎至一盞去滓溫服不以

時

地黃一升无黃

油煎散

治血風

牡丹

五加皮

當歸

海桐皮

白芍藥

各壹兩

川烏頭

參兩

芎

桂

各壹分

右為鹿末每服一錢水一盞入油錢一文煎至七分去滓溫服不以時

丹砂元治婦人月水不通肢節煩疼寒熱往來腹脇結塊攻刺疼痛日漸羸瘦欲變成勞

丹砂

兩肆

水銀

硫黃

各壹錢貳味同結成砂子

雄黃

硃砂

膩粉

各壹字

巴豆

叁个

斑猫

貳拾壹个

右件一處再同研令細以狗膽汁和作四十九元每服二元空心臨卧黃丹少許以酒半盞調勻燒秤錘烙黃丹酒微焦黑色放溫下或產後血露不快兒枕不安腹內疼痛皆可服

牡礪湯治婦人漏下五色不止淋瀝連年黃瘦羸瘵

烏賊魚骨

牡蠣

桂心

各壹兩

乾薑

黃耆

白芷

各叁分

五色龍骨

熟乾地黄

各壹兩半

右爲細末每服二錢食前溫酒調下

郁李仁散治血分氣血壅澁腹脇脹悶四肢浮腫坐卧氣促

郁李仁 牽牛子

各壹兩

檳榔

乾地黄

各叁分

桂

木香

青橘皮

延胡索

各半兩

右爲細末食前溫酒調下二錢

熟乾地黄元

醫經云手少陰心之經手太陽小腸之經主

上爲乳汁下爲月水凡諸吐血下血者通謂之脫血此由將溫過度或起居失節喜怒不常血乃妄行血既不足故

月候為之縮日

熟地黄壹兩

白芍藥

人參

當歸

芎藭各壹兩

阿膠兩

犀角屑壹分

右為細末煉蜜和元如梧桐子大每服三十元食前米飲下

乾漆散治血氣滯澁嘔逆酸水心腹疴痛不可忍著

乾漆壹兩

五靈脂貳兩半

沒藥

桂心

當歸各半兩

胡椒壹分

麝香壹錢

右為細末每服一錢以熱酒調下醋湯亦可空心食前
凌霄花元治婦人室女經脉不通五心煩熱四肢疼痛宜服之

凌霄花

芫青

去翅足
微炒

蜚螬

同上
法

水蛭

微炒各
壹分

桃仁

大黃

沒藥

各半
兩

右為細末以狗膽三个法酒一盞先將沒藥末同熬成膏和前藥元如菉豆大每服七元煎後方紅藍花散下不以時

紅藍花散治經脉不通小便赤色

紅藍花

牡丹皮

各壹
兩

當歸

半
兩

木通

壹兩

莽根

半
兩

甘草

壹分

右為鹿末每服三錢水一盞入葱白一寸同煎至六分空心食前去滓放溫下前方凌霄花元日進二服
內補元治婦人衝妊氣虛經候不調赤白帶下

五加皮

白朮

牛膝

各三兩

萆薢

肆兩

川烏頭

丹參

枳殼

各壹兩

右為細末煉蜜和元如梧桐子大每服三十元空心米

飲下

沒藥元治產後惡露行而或斷絕驟作寒熱臍腹百脉皆

痛及兒枕痛兼嘔逆狀如錐刺非常此由冷熱不調或思

慮動作氣所擁遏畜血經絡

一方加芍藥半兩桃仁壹分
蚘虫伍拾个水蛭伍拾个

當歸

壹兩

沒藥

延胡索

各壹分

五靈脂

貳兩

薑黃

桂

蓬莪朮

各半兩

右為細末醋煮麵糊和元如梧桐子大每服二十元至

三十元溫醋湯下食前服

代赭元廣濟療婦人產後血露不絕崩血不可禁止腹中

絞痛氣息急療蓐病三十六疾

馬蹄當用白馬蹄甲牛角鯁用黃牛角胎並燒存性用

乱髮灰

阿膠

各貳兩

代赭

乾薑

各叁兩

馬蹄

壹斤

乾地黄

肆兩

牛角鯁

伍兩

右爲細末煉蜜和元如梧子大每服空心服二十元日二至四十元用醋湯下

膠艾湯

治勞傷血氣衝妊虛損月水過多淋瀝漏下連日

不斷臍腹疼痛及妊娠將攝失宜胎動不安腹痛下墜或勞傷經絡胞阻漏血腰痛悶乱或因損動胎上搶心奔衝短氣及因產乳衝妊氣虛不能約制經血淋瀝不斷延引日月漸成羸瘦

阿膠

甘草

芍藥各二兩

艾葉

當歸

芍藥各二兩

熟地黄肆兩

右為鹿末每服三錢水一盞二分酒三分煎至八分去

滓空心溫服

重校定膠艾湯重出此一方然用熟地黄比前方微不同故兩存之

人參元養陰生血補虛

鹿角膠

熟地黄

白芍藥

當歸

白朮

人參

芍藥各壹兩

右為細末煉蜜和元如梧桐子大每服三十元空心米

飲下

滑石散治難產多時不下垂困

瞿麥

滑石各壹兩

黑豆黃

牛乳

酥各貳兩

冬葵子壹合

蜜貳合

右為末與酥乳等煎成膏熱酒調一匙不以時

七補元

治婦人血氣虛弱衝妊不和腹中堅結狀若懷妊

月候尚來未分喜脉宜服此

白芍藥

川芎各叁分

白芷

白朮

熟地黄

阿膠各貳分

當歸叁分

右為細末煉蜜和元如梧桐子大每服三十元空心米

飲下

大黃元

主帶下百病除无子服藥十四日下血二十四日

下長蟲及青黃汁出三十日病除五十日肥白

大黃

柴胡

朴硝各壹升

芫花伍兩

乾姜

炮壹升

蜀椒

貳兩

茯苓

如雞子壹枚

右為細末煉蜜和元如梧桐子大先食服七元米飲下加至十元以効為度五日微下

蘇米飲子

治產後血運迷悶面色青黑或惡物衝心痛不可忍時發寒熱嘔逆不思飲食

蘇木

剉

當歸

赤芍藥

桂

陳皮

各壹兩

香附子

甘草

各壹分

右為麤末每服二錢水小便各半盞煎至六分去滓溫服不以時

地黃散

治婦人產前後眼見黑花或即發狂如見鬼狀胎衣不下失音不語心腹脹滿水穀不化口乾煩渴寒熱

往來口内生瘡咽中腫痛心忪悸夜不得睡產後中風角
弓返張面赤牙開緊急崩中下血如豚肝狀身躄煩躁恍
惚昏迷四肢腫滿及胎不安唇口拍甲青下血臍腹滿痛
生薑取汁留滓以生薑汁炒地黄滓以地黄汁炒生薑滓至乾

生地黄

貳斤以布袋取汁留滓

生薑

貳斤以布袋研取汁留滓

蒲黃

肆兩

當歸

延胡索

糯米炒赤用朱各壹兩

南番琥珀

兩

右為細末煉蜜和元如彈子大當歸湯下一元食前日
二服

平安丹催產

金箔

銀箔各叁片

朱砂

乳香各半兩

麝香

壹錢

臘月兔腦

右爲細末研勻兔腦和元如豌豆大仍先擇吉日望月
合之每遇難產之人以乳香下一粒則無諸般苦痛便
得分免若男左握藥而出女則右手持丹而下矣神妙
內補芎藭湯治產後虛羸及崩傷過多虛竭腹中絞痛並
宜服之

芎藭

乾地黄

各肆兩

白芍藥

伍兩

桂

甘草

乾薑

各三兩

右爲鹿末每服三錢水一盞棗一个煎至六分去滓溫
服不以時日三若有寒若微下加附子三兩及治婦人
虛羸少氣傷絕腹中拘急疼痛崩傷虛竭面目無色及

唾血甚良

麻子仁元 治產後大便秘

麻子 壹兩半

杏仁 式分

枳實

厚朴 各半兩

大黃 式兩

白芍藥 兩半

右為細末煉蜜和杵千下元如梧桐子大每服二十元
溫水下未効加至五十元

承澤元 治婦人三十六疾不孕絕產

梅核仁 各壹升

辛荑仁 各壹升

葛上亭長 柰枚去足翅微炒

澤蘭子 伍合

搜疏

藁本 各壹兩

右為細末煉蜜和元如黑豆大先食服二元日三不効
稍增若腹中無堅積聚者去亭長加通草一兩味甘者

和藥先以苦酒溲散乃內蜜也酒服

榆白皮散 治婦人產時驚動太早使胞絡乾燥臨時艱難

榆白皮 瞿麥 葵子根壹斤 牛膝

大麻仁各叁分 木通半兩

重校定此方內二味七分一其太平聖惠方內葵子散
治療藥味與上件方相類內榆白皮葵麥各用壹兩

右為鹿末每服四錢以水一中盞煎至六分去滓溫服

不以時

陽起石元 治婦人血海久積虛冷不能成妊及婦人虛冷等疾

陽起石式兩酒煮半日研 乾薑 白朮

牛膝各叁分 熟乾地黄 吳茱萸各壹兩

右爲細末煉蜜和杵二百下元如梧桐子大每服三十元溫酒下空心及晚食前服之

猪腎湯廣濟療產後虛羸喘乏或乍熱狀如瘧名爲勞損者

猪腎

壹具去脂肆破

香豉

白粳米

各壹兩

葱白

切壹升

人參

當歸

各貳兩

右六味切以水一斗煮取三升去滓分服七合以意消息忌犬肉濕麵蒜等

白朮散

和養胎氣

白朮

人參

旋覆花

熟地黃

當歸

阿膠

各壹兩

右爲鹿末每服二錢水二盞酒三分同於銀器中熬至一盞去滓七分空心溫服一日一服至六個月覺胎氣榮安即罷服若覺腰中痛即是藥養胎氣未勝邪氣每服加吳茱萸四七粒同煎

阿膠散 治妊娠勞役過度喜怒不常服飲失時冒觸風冷遂至胎動不安腰腹俱痛胞漏下血疲極眩運

阿膠

人參

白茯苓

桑寄生

白朮

各壹兩

右爲鹿末每服三錢水一盞煎至六分去滓不以時服

一方名阿膠糯米白朮湯

阿膠元催產

真阿膠

肆片

地脫皮

壹條

熟艾

半兩

敗筆

壹管

大麥花

少許炙如无花以麥藥上牙子代為末

右一處研為末以軟粳米飯為元雞頭大元時粘手以

少許麵為元難產三日至五日服此立下如產時衣先

下兒未見足踏衣生用通靈散子一字醋湯調下

葵子散

治難產胎不轉動者宜速服

冬葵子

壹兩

甘草

貳兩

榆白

肆兩

桂

陸兩

滑石

叁兩

右為鹿末以水一盞煎二三錢去滓溫服不以時候

小品茯苓元

治妊娠惡濕嘔吐顛倒垂死不自勝持

白茯苓

人參

各壹兩

桂

甘草

枳實

各壹兩

右為細末煉蜜和元如梧桐子大每服二十元米飲下

不以時

烏魚骨散治漏下不止

烏魚骨

鹿茸

阿膠

各參兩

當歸

貳兩

蒲黃

壹兩

右為細末溫酒調二錢不以時

滑胎散治痛極難產

榆白皮

貳兩

瞿麥

木通

各參分

牛膝

天麻子仁

各壹兩

右為細末每服二錢水一盞煎至七分去滓溫服不

以時

當歸散溫補

附子

桂

當歸

各半兩

白朮

壹兩半

甘草

壹分

右為細末每服二錢水一盞煎至七分去滓空心服

阿膠芎藭散治妊娠傷動腹痛下血

阿膠

熟乾地黄

當歸

艾葉

芎藭

各半兩

右為細末每服二錢非時以溫酒調下

木香白朮散安和氣滋養衝任進飲食去百病

白朮

貳兩

茯苓

壹兩

人參

半兩

木香

壹分

甘草

貳分

右為細末每服二錢煎粳米飲調下不以時

桃仁散治血氣不調臍腹撮痛及產後小腹痛

桃仁

當歸

乾薑

白芷

芎

各壹兩

右為細末每服二錢水七分酒三分煎至六分去滓溫

服无時

丁香當歸元

治婦人血氣十生九死腹中作塊不問新久

皆治

當歸

母丁香

牡丹皮

紅花

並生

肉桂

右件等分爲細末水煮麵糊和元如梧桐子每服二十元空心溫酒下不過十服立効

栢葉薤葷元

治衝任氣虛臍腹疼痛漏下赤白

栢葉

可鹽

當歸

乾薑

各三分

阿膠

半斤

鹿茸

壹兩

右爲細末酒煮麵糊和元如梧桐子大每服三十元空心米飲下

竹瀝湯

治妊娠煩悶謂之子煩

防風

麥門冬

各三兩

茯苓

肆兩

黃芩

三兩

右為鹿末每服五錢水二盞入竹瀝一合煎一盞去滓溫服不以時

貝齒膏

治婦人結氣成淋小便引痛上至小腹或時溺血

或如豆汁或如膠飴每發欲死食不生肌面目痿黃師所不能治方

貝齒

肆个燒末

葵子

壹升

石膏

伍兩研

滑石

叁兩研

右先以水七升煮二物取二升去滓內二石末及猪脂一合更煎分三服服之

四物湯

治妊娠至產前腹痛不可堪忍及治月事或多或少

少或前或後疼痛等疾

當歸

芍

熟乾地黄

雪白芍藥

各等分

右爲鹿末每服四錢水一盞半煎至八九分極清汁帶熱服日三夜二以効爲度若妊孕下血即入艾五七葉阿膠末一錢匕同煎服如上法以効爲度疾勢甚大散藥不効又四味各半兩細剉以水四盞煎至二盞半去滓分四服熱服食前服一日之中令盡以効爲度

羊肉湯治虛人及產婦腹中痛虛眩不支持兩脅當臍急痛氣上衝前後相引痛治之如神

羊肉

兩

當歸

芍

生薑

各半兩

右以水十盞煎至三盞掠上沫去滓分四服熱服空心服一日盡來日再將前藥滓合爲一日煎之當一劑服

入酒煎尤佳

當歸建中湯

治產後虛羸不足腹中疴痛不止吸吸少氣

拘急痛引腰背不能飲食產後一月日得服四五劑為差
令人氣壯

當歸

桂

各肆兩

白芍藥

陸兩

甘草

貳兩

右為鹿末每服四錢水一盞半入生薑五片棗二箇擘
破同煎取一半瀝去滓入錫少許再煎錫溶微熟服空
心或食前服

大川芎湯

治產後塊不散或亡血過多或惡露不下服之

如神

重校定大川芎湯即
是四物湯疑重出

熟乾地黄

大芎

白芍藥

當歸

等分

右爲麋末每服三錢水一盞半煎至一盞去滓取六分
清汁溫服空腹日午晚食前病去爲度產前腹痛下血
入艾五七葉炒阿膠末一錢依前煎帶熱服崩中下血
亦如此服此神藥也居家不可闕

論曰婦人新產去血過多津液燥少陰陽俱虛大凡有疾
如中風傷寒時氣之類雖當發汗之麻黃慎無用之取汗
無令過多以意酌量又產後諸疾忌脉大若產後昏迷由
本來氣弱因去血過多氣無所主精神不足陰陽雜亂謂
之血運急以炭火投醋中薰鼻及以半夏末少許吹鼻中
即省

當歸散

產後氣血俱虛慎無大補恐增客熱別致他病常

今惠露快利為佳

當歸

白芍藥

黃芩

各壹兩

白朮

半兩

川芎

壹兩

右為細末溫童子小便或酒調二錢不以時

赤子湯

治產後腸頭如以針刺連穀道又如痔痛小便如

淋狀或時寒熱此產時用力併腸間亦由陰虛陽邪客乘

蓋母氣攻衝謂之腸癰

校定赤子湯用赤子當用冬瓜仁去殼用

薏苡仁

肆兩

桃仁

牡丹皮

各叁分

瓜子

壹兩

右為細末每服五錢水二盞煎至一盞去滓溫服非時

烏金散

治產後一切病

雄黑豆

半升

生薑

和皮肆兩切

黃連

壹兩

椶櫚皮

陸兩

右先將黑豆於鍋內炒熟次便入生薑黃連同炒煙出

却將椶櫚點火入鎗燒之焰欲絕和鎗復地土用盆合之出火毒一宿來日取出爲末更入當歸蓬莪朮各一兩白麵一兩同研勻埚器內密封產後諸疾熱酒調下如是兩日以前用煎過童子小便調下病甚者頻服產後但非常寒瘧痢外傷之疾悉能療之如血上衝心不可療之以藥五錢并產人穢血一茶脚許小便一盞熱調灌之立可以救此方有論行於世者一十道而人少得徃徃撰別方代之凡產後雖有敗血其人極虛羸不能醫者多用金石藥如花石之類至不可者

順元散

入五積散一半催生甚奇

烏頭

式兩

附子

壹兩

木香

半兩

天南星

壹兩

右爲細末生薑冷水酒共一盞煎三錢至七分溫服不以時

乾薑人參元治產後諸疾

甘草

伍兩

當歸

乾薑

人參

各貳兩半

右爲細末煉蜜和元如梧桐子大每服三十元空心溫酒下日三服

內補當歸湯治久虛不足腹中疴痛小腹拘急吸吸短氣腰背引痛脅肋牽疼皮膚枯槁肌肉消瘦婦人去血過多崩傷內竭面目脫色唇口乾燥產後服之令人丁壯散風冷寒邪養衛氣和血止痛溫中補虛絕續

當歸

肆兩

甘草

貳兩

白芍藥

陸兩

桂

叁兩

右為鹿末每服五錢水二盞薑十片棗二枚擘破飴糖一匙煎一盞空心服

四神散治血氣心腹痛

當歸

白芍藥

芍

各壹兩

乾薑

兩

右為細末每服三錢煖湯調下不以時

大黃散治婦人血瘀產後血暈及諸傷衄內損等

羊脰炭

燒赤酒淬十度五兩

巴豆肉

漿水煮黃色

大黃

濕便浸七日日壹易日足希希累累煨煨切切各各壹兩半

半兩錢

醋醋滓滓令令得得所所為為粉粉取取式式兩壹分

右和研勻每服半錢當歸一分小便煎濃稍溫調服產後血暈百疾且當逐血者至甚乃服口噤閉者斡開灌

下

芎椒白朮散 安養胎氣

白朮

芎

椒 各叁兩

牡礪 壹兩

右為細末空心酒調下二錢

半夏厚朴湯 治婦人胃滿心下堅硬咽中貼貼如有炙肉

嚕吐之不出咽之不下

半夏

伍兩

茯苓

四兩

厚朴

叁兩

紫蘇葉

貳兩

右為細末每服二錢水一盞薑棗煎至七分去滓溫服
不以時

附子當歸元 治血臟虛冷

當歸

叁兩

芍藥

貳兩

附子

白朮

各壹兩

右為細末醋煮麴糊和元如梧桐子大米飲下三十元未効加至五十元空心服

團參阿膠煎治妊娠肺氣不足寒壅相交痰唾稠粘咳嗽不已

人參

阿膠

各壹兩

五味子

紫苑

各貳兩

右為細末煉蜜和元如櫻桃大食後含一元嚥津服

紫葳散治婦人室女月候不通臍腹痛一切血疾

紫葳

貳兩

當歸

芩

各壹兩

右為細末空心冷酒調下二錢如行十里許更用熱酒調一服

烏葉元治妊娠傷寒內熱煩燥胎動不安致喘躁不能卧

及有所下

烏藥

壹兩別為細末

白朮

兩

乳香

半兩

右同研勻每服二錢糖水調下不以時候

透泉散下妳

豬懸蹄甲

穿山甲

漏蘆

各半兩

右將豬懸蹄甲穿山甲炒焦色同漏蘆一處為末食後以溫酒調下二錢神妙

木鱉子湯下妳

青橘皮

瓜蒌根

各壹兩

木鱉

半兩

右為細末每服二錢水一盞煎至六分去滓臨卧溫服
牡礪散治小便白濁丈夫婦人小兒並用

厚朴

去皮薑製

牡蠣

白朮

各半兩

右爲細末空心米飲調二錢日進二三服

艾煎元

治衝妊久虛血海冷憊臍腹疼痛月候不勻四肢

怠墮百節酸疼飲食進退下臍虛鳴及妊娠不牢赤白帶

下面色萎黃口淡無味胃膈滿悶常服此補血臍解勞倦

止疼痛消脹滿厚肌肉

艾青

伍兩

乾薑

貳兩

附子

壹兩

右爲細末醋煮麴糊和元如梧桐子大每服空心醋湯

下二十元

秦苳散治婦人臍腑不調

秦苳

阿膠

艾葉

右等分爲鹿末每服五錢水二盞糯米百粒煎至一盞去滓溫服空心

榆白皮散治妊娠忽暴下血及胎燥不動搖

榆白皮

兩

當歸

兩

熟地黄

兩

右爲鹿末每服五錢水一盞生薑三片煎至六分去滓溫服不以時

大黃沒藥煎治婦人產後惡物不快時發寒熱躁煩悶亂

狂語發渴面赤

沒藥

研

大黃

各壹兩

當歸

兩

右爲細末用米醋二升入前藥末調勻於銀器中慢火熬成稠錫相似攤冷刮入瓷合盛不得濕器打着每服

一彈子許童子小便一盞化開同煎至七分入醋半杓
子重煎五七沸溫服未止半日後再進

茯苓湯

治妊娠小便不通時發寒熱

赤茯苓

葵子

右件等分爲鹿末每服五錢水二盞煎至一盞去滓溫
服不以時

地黃散

治婦人血少氣寒面色青白

地黃

乾薑

各壹兩

右爲細末每服二錢溫酒調下不以時

錫粉元

治妊娠胎死腹中候其母面色赤舌青者是

錫粉

水銀

各壹錢

右同研不見水銀爲度棗肉和元如豌豆大每服五十元瞿麥湯下

滋陰養血元治勞虛血弱肌肉枯燥手足多煩肢節酸疼鬚髮脫落面少顏色腹中拘急痛引腰背去血過多崩傷內竭胃中短氣晝夜不得眠情思不樂怔忡多汗

熟地黄

當歸各壹兩

右爲細末煉蜜和元如梧桐子大每服二十元米飲下不以時

芎藭湯調益榮衛滋養血氣治諸疾失血虛羸短氣腹中疼痛面黧少色心忪驚悸虛煩汗出時發寒熱倦怠无力妊娠溫和胞絡助氣產後順行餘穢滋生新血

芎

當歸 等分

右爲鹿末每服三錢水一盞半入酒少許煎至七分去滓食前溫服

大豆黃湯 治產後百病及中風痲痺或背強口禁或但煩熱苦渴或頭痛背重或身痒者嘔逆直視此皆因虛風冷濕及勞傷所爲

大豆

升伍

清酒

斗壹

右二味以鐵鑊猛火熬豆令極熱焦煙出以酒沃之去滓服一升日夜數過服之盡更合小汗則愈一以去風一則消血結妊娠傷折胎死在腹中三日服此酒即差一方用獨活一斤酒一斗三升先漬獨活兩宿依前熬

大豆以獨活酒沃之服如前

薑黃元崔氏療妊娠漏胞

乾薑黃

肆兩

乾薑

貳兩

右爲末酒服方寸匕日再服空心食前

乾薑元治崩中漏下青黃赤白

乾薑

細墨

右等分爲細末醋糊和元如梧桐子太每服三十元溫酒空心下

湧泉散下妳

防風

壹兩

葱白

貳拾莖

右用無灰酒一升同煎至八分時時服一日盡之

備急散治婦人衝妊血氣不實虛弱心忪頭眩臍腹疼痛
血海虛冷漏下赤白及月水不定等疾

百草霜

式兩

荊芥穗

錢

右為細末每服二錢溫酒調下須臾更一服立効食前
五聖散治婦人產後血上攻迷悶不醒人事

當歸

五苓脂

右等分為細末每服一二錢以酒童子小便各半盞調
服不以時

車前子散治妊娠患淋瀝水道熱不通

車前子

葵根

右等分為末每服三錢水一盞半煎至七分去滓溫服

不以時

豆淋酒

治產後諸風

一名紫湯

羌活

壹兩

黑豆

半升炒熱

右以酒一升先煮羌活五六沸去羌活乘熱沃在所炒豆上煎三五沸傾入磁器中以紙蓋却去豆溫飲半盞風勢大者隨證下諸風藥尤佳如口噤驪曳服阿膠元些小風則服龍砂丹

堅中丹

治室女白沃

半夏

猪苓

各壹兩去皮別爲末

右同炒半夏黃色却將猪苓末蓋半夏地上以盞合定經宿去苓只取半夏末之以水糊爲元如梧桐子大米

飲下十元不以時

白木茯苓散 治妊娠大小腿腫及有黃水小便或澀

白木

白茯苓 各壹兩

右爲細末每服一二錢煎陳皮湯調下不以時

神驗膏 治難產

臘月猪脂 半斤

葱白 貳柒莖 剉碎

右相和煎成膏不以時熱酒調一匙

葱白阿膠散 治婦人裏急不已

阿膠

葱白 同剉 等分

右以水煎溫服立効不以時

治吹妳法 產後吹妳最宜急治妳下結膿透至死者連与

皂角散 苾蓐散 傳以天南星散 急以手揉之 則散

皂角散 治妳下結膿

皂角

燒灰

蛤粉

右等分 研細 熱酒調一字 或半錢 急以手揉之

苾蓐散 治產後骨節肌膚熱痛 亦可服

苾蓐末

壹兩

乳香

壹錢

右研勻 溫酒調二錢 不以時服

天南星散 治產後頭痛面腫 亦可用

天南星末

右用溫酒調以翎塗之

大聖散 治朋中不止 諸藥不能治者

烏賊魚骨

右爲細末每服二錢如下房物黑色用胡薑酒下紅色煎木賊湯調下

大豆煎 男女新久腫及惡暴風入腹婦人新產上瀉清風入臍腹中如馬鞭者噓吸短氣咳嗽

大豆 壹升棟令淨

右以水五斗煮之得一斗三升澄清去下濁者內釜中以一斗半美酒內汁中煎取九升宿勿食旦服三升温覆取汗兩食頃再下去風氣腫減真冷十日平復如故產後牙關緊急手足痙瘓項強目直視此由血虛風邪入中謂風痙脉緊太者不治宜荊芥獨活湯

荊芥湯

荊芥 濃煎絞汁半升

右頃服將荊芥濃煎湯置盆內坐病人在上薰之及淋

獨活湯

鬼眼紫獨活 乃是極大者羌活有如鬼眼將尋常白色者乃是宿前胡慎不可用

右不以多少為末先以黑豆炒焦似欲燃出之以酒一盞沃之更用水一盞煎藥五分至一盞去滓溫服

蒲黃散 治產後腹中有塊上下時動痛發不可忍此由妊娠聚血產後氣羸惡露未盡新血與故血相搏而痛俗謂之枕乃血瘕也

真蒲黃 不以多少

右研米飲服二錢渴燥者新水調下

兔血散治難產逆生論稱犯一切神殺固有是理然亦有自然難產兒自逆生者及有產時腸胃俱下者產已則復如故此非疾病所致氣血所生天下之理蓋有不可窮詰者亦宜知之

臍月兔血

用鉶餅切片子蘸紙袋盛當風陰乾

右爲細末每服二錢煎乳香湯下

治產後腹痛不可忍者

右煮黍粘根爲飲一服即愈

樗根白皮散治婦人久痢及疳痢諸方不老者此方必効

揀樗根白皮

不以多少當取時不得見日及風

右細切搗如泥取細捻作餛飩如小棗勿令破熟煮吞
七箇重者不過七八服此藥空心服之忌油膩熱麵

獨聖散治婦人血崩不止累經神効

防風

去蘆不以多少
火上炙焦黃色

右爲細末酒煮麵糊清調下空心食前日二服

常器之大龍丹

治產後血刺昏暈血迷敗血上衝不省人
事兒枕痛小腹硬痛一切疼痛不可忍者

百草霜

不以多少羅
過更研極細

右爲細末用頭醋作麵糊爲元如彈子大朱砂爲衣每
服一粒火燒焰出入醋內蘸過再燒再蘸用半盞候醋尽
細研以酒半盞童子小便半盞調下初一服減腹內疼

痛二服敗血自下神舒和暢三服永破諸疾

治婦人有娠大便秘等方

治婦人有娠大小便不通

蟻螬壹个

一名骨路子
一名鼯鼠

右細研入麝香少許酒調一錢不以時

治母欲死子不生者宜服

水銀一彈子大

右以一味幹開口灌之扶起令下

又方

取桃仁分書一片作可字一片作出字依前却合作
一處令母吞之即下

右法天真神驗不可述

厚朴湯 治婦人汗血下焦勞冷膀胱腎氣損弱自汗小便俱出

右以厚朴如手大長四寸以酒五升煮兩沸去滓取桂一尺末之內酒中調和一宿且頓服之

治胎不安等方

治胎動不安腰痛胎動轉搶心下血不止 芎藭根汁

右一服半升許如下血不止取芎藭三兩酒五升煎至二升去滓分三服

治妊娠日月未足而欲產者或子母已至於死者

芎藭根汁

右取汁半升灌喉中

治產後中風語澁四肢拘急

羌活 去蘆

右為細末每服三錢水酒各半盞煎至六分去滓溫服
不以時

治婦人血氣奔刺心痛不可忍積年冷氣痙瘕癥塊脹痛
氣壅上衝煩悶霍亂吐瀉心腹疔痛

高良薑不以多少油炒勿焦

右為末每服一錢溫酒調

治產後血脹悶

右以益母草取汁每服一二合不以時

治婦人勒乳痛

右以益母草爲末水調塗乳上

治吹妳結核

校定治吹妳結疑是黃括樓不聞有玄樓

右以玄樓一枚用穰去子皮綿裹酒煎數沸服之便散

治難產

右以光明生朱砂細研滴水爲元如豆大每服二粒立

下

奪命散治產後血迷血暈胎衣不下惡血停凝兒塊枕痛
臍腹疔痛及赤白崩帶月候不定等疾

芫花

不以多少用好酒浸壹宿慢火炒令黑色

右爲細末每服二錢熱酒調下食前

桑根煎治婦人傷中崩中絕陰使人怠墮不能動作腎脇

心腹四肢滿而身寒熱甚溺血

校定此方藥米本栗米每服叁元當作壹元宜酒煎服

右以桑根白皮細切一斗麻子仁三升淳清酒三斗煮得一斗絞去滓大棗百个去皮核飴五升阿膠五兩白蜜三升復煎得九升下乾薑末厚朴闊二寸來蜀椒末三味各一升桂長一尺二寸甘草八兩藥米末一升乾地黄四兩芍藥六兩玄參五兩元如彈子大每服三元

四聖印法

禁吹妳

坐面東迎日着脚丁字不成八字不正閉氣存想心畫此印吹在物食之上徐徐氣出盡為度與患妳人食之未成膿者便消勿使患人知

治婦人數日難產

困頓無力將欲不救者

右用牛耳塞一皂大冷水化下不移時產下無驚恐

又多法等七

血海二穴在脰臙上內廉白肉際一寸中治

女人漏下惡血月事不調逆氣腹脹可灸三壯鍼入五分

合陽二穴

在脰約中央下二寸治腰脊強引腹痛陰股熱

脰骭痠重履步艱難寒亦陰偏痛女子崩中鍼入六分可灸五壯

油骨一穴

在橫骨之上毛際陷中動應手任脰足厥陰之

會治小腹脹滿小便淋瀝不通癰疝小腹痛婦人赤白

帶下可灸七壯至七七壯鍼入二寸

校定油骨當作曲骨

帶脉二穴

在季脇下一寸八分治婦人小腹堅痛月脉不

調帶下赤白裏急瘕瘕可灸五壯鍼入六分

又述樂公治產法

產前產後

凡婦人妊娠切忌房事犯之多令兒作驚癇或有百疾凡妊娠半年之後即依官方中修合保生元一料計百四十四元每日空心一服一粒食後臨卧各服枳殼湯一服去房事節喜怒不唯臨產易生母既不病兒自壯實

又述產前產後治療法等二十五

余因披閱樂公調氣方見樂公記北平楊道慶者一妹二女皆產死有兒婦臨月情深憂慮入山尋余覓諸滑胎藥方余報言少年多游山林未經療理此事然為思量或應可解慶停一宿余輒憶想畜生之類緣何不聞有產死者貧女獨產賤妾偷生亦未聞有產死者此當緣無人逼佐

得盡其分理耳其產死者多是富貴家聚居女婦輩當由兒始轉時覺痛便相告報傍人擾擾令其驚怖驚氣畜結生理不和血氣一亂痛切惟甚傍人見其痛甚便謂至時或有約騷者或有力腹者或有冷水潑面者又努力強推兒便暴出畜聚之氣一時奔下不止便致連絕更非他緣至此旦以此語慶領受所問然猶見邀乃更與隨至其家十餘日晡時報去兒婦腹痛以是產候余便教屏除牀案遍一方地面布草置三四處懸繩繫木作桁高下令得所當腋得憑當桁下鋪慢氈恐兒落草悞傷之如此布置訖產者入位語之坐臥任意爲其說方法各有分理順之則生逆之則死安心氣勿怖強此產婦亦解人語語訖閉戶

戶外安牀余共慶坐不令人得入時時隔戶問之何似荅
言小痛可忍至一更令爛煮首死牡雞取汁作粳米粥粥
熟急手撓使渾渾適寒溫飲食三升今之一至五更將末
便自產聞兒啼聲始聽人入產者自若安穩或覺小小痛
時便放躰長吐氣一口痛即止蓋任分和氣之効也慶問
何須故食雞汁粥荅曰牡雞性滑濡欲使氣滑故耳問何
不與肉荅曰氣將下恐肉卒不消爲妨而悶又問何故與
粥荅曰若飢則氣上氣下則速產理不欲令氣上故耳慶
以此爲產術之妙所傳之處無不安也故知栞公隱思妙
符神理但以婦人怯弱臨產驚惶遽若不道以諸法多恐
生氣不安所以捨諸家方法題如左

產前 覺腹痛臨產時服順元散一兩服

產後治療法

第一日無證候只服黑神散

第二第三日服羊肉湯至第五日服之不論有無證候

如腹中痛虛眩不支持當睡急痛氣上衝前後引痛服羊肉湯

如虛羸少氣不欲飲食服四順理中元

如臍腹疼痛寒熱嘔逆惡露不止或所下過多眩運迷悶服黑神散

或因而有風證者服辰砂元天麻元甚者服至寶丹有痰

飲證者服丁香半夏元 嘔吐者服玉壺元母丁香元正
氣散水者炙人參元 咳嗽者服五味實散 有冷者服胡
椒理中元 大便大段秘謂五六日秘也服橘皮杏仁元
脾約元 大便秘滑者服理中元 有冷多者服養
真丹或紫霞丹赤元等痢疾者服鍾乳建脾元
如有積滯多者熱則妙香元寒則宜服感應元
頭痛者服辰砂天麻元甚者服腎厥元

傷風寒者爲惡風寒者也服大聖人參散百解散正氣散
不惡風寒者服羊肉湯

發熱七日內只服羊肉湯玉筵散

常服熟乾地黃元 胃膈不快者服白豆蔻元

產後食物次叙

七日後進少醇酒

半月之後漸食猪羊肉極爛軟

一月之後方食少麵

或患乳癰者多藥法

灸乳根二穴在乳下一寸六分三壯或五壯服小犀角元已成瘡者貼雲母膏

治虛人常有之疾

大便秘喫烏蛇黃耆元脾胃下過喫厚朴元霍香散氣寒才過喫三建元氣秘喫葶藶元腰膝無力行履不得無如喫牛膝元兼亦治風烏蛇黃耆元須大便不

秘服之尤佳

婦人妊娠一月兩月血脈行澁勿食腥辛之物居必靜處
三月四月形像漸成勿食薑兔等物五月六月勿食諸新
物等七月八月勿食瓜果酸物等九月十月勿食生冷一
切動風疾物等

逐月安產方位

正月丙地安產

壬地藏衣

二月庚地安產

甲地藏衣

三月壬地安產

丙地藏衣

四月甲地安產

庚地藏衣

五月壬地安產

丙地藏衣

六月甲地安產

庚地藏衣

七月壬地安產

丙地藏衣

八月庚地安產

甲地藏衣

九月丙地安產

壬地藏衣

十月甲地安產

庚地藏衣


十一月壬地安產

丙地藏衣

十二月庚地安產

甲地藏衣

產圖



澤蘭湯治產後餘疾寒下凍膿裏急胃脇滿痛咳嗽嘔血

寒熱小便赤黃大便不利

澤蘭

肆拾銖

石膏

壹兩

當歸

拾銖

遠志

叁拾銖

甘草

厚朴

捌拾銖

葶藶

芎藭

伍拾銖

乾薑

人參

桔梗

乾地黄

各拾貳銖

白朮

蜀椒

白芷

栝子仁

防風

山茱萸

細辛

各玖銖

桑白皮

麻子仁

各半兩

右二十一味㕮咀以水一斗五升先內桑白皮煮取七

升半去之內諸藥煮取三升五合去滓分三服

保生元治婦人產前產後一切風冷血氣產後血風頭旋

身顫

金釵石斛

秦艽

桂

熟乾地黄

貝母

防風

糯米

乾薑

甘草

細辛

錢各貳

當歸

川椒

黃芩

大麻仁

各壹兩半

大豆卷

石膏

各壹兩

右為細末煉蜜和作一百四十四元每服一元月信不通當歸酒下產前產後赤白帶下溫酒下催生當歸酒下難產及胎不下死胎橫正不順產後不語但心頭熱用棗湯研藥灌之藥入喉立効產後惡血不盡臍腹疼痛寒執煩躁悶亂月後皮膚虛腫面色痿黃漸成勞疾產血不止虛勞中風口噤不語半身不遂大便秘澀煩渴悶暈酒下妊娠臨月頻服此藥每日空心溫酒下臨

產五臟不疼易生也產後中風血暈生地黃汁與溫酒同煎十餘沸研藥灌之立効產後四五日一元細嚼空心熱酒下一切風邪自不能入忌生冷油膩魚肉豉等

慶遠散

主丈夫陽氣不足不能施化無成方

覆盆子

五味子

各壹升

天雄

壹兩

石斛

白朮

各叁兩

桑寄生

肆兩

天門冬

玖兩

兔絲子

貳升

紫石英

貳兩

右爲細末酒服方寸匕先食日三素不耐冷者去寄生加細辛四兩陽氣少而無子者去石斛加檳榔十五枚

雞峯普濟方卷第十六